

stolica sede decretum est, inter prefatos episcopos litem iuste decidere et Olomucensi<sup>f</sup> ecclesie, que sui iuris sunt, decernere et corroborare procurabimus. Data Rome XV kalendas aprilis, indictione XII.

## 69.

*Gregorius VII. papa Vratislao II, duci Bohemiae, promittit se ecclesie 5*  
*cuidam [fortasse Vissegradensi], cum perfecta fuerit, reliquias et privilegia ex-*  
*petita concessurum esse. Addit de litteris ad Sigifridum, archiepiscopum Magun-*  
*tinum, missis. Romae 1074 mart. 18.*

*Apographum in registro Gregorii VII in tabulario Vaticano fol. 35.<sup>v</sup> Lib. I, ep. 61. 10*  
*Harduinus, Acta concil. VI, ps. 1, pg. 1242. — Balbin, Miscell. hist. Bohem. dec. I. lib. VI,*  
*pag. 10, num. 8. — Dobner, Annales Hagec. V, pag. 436. — Boczek, Cod. dipl. Mor. I,*  
*pag. 151, num. 173. — Erben, Reg. I, pag. 63, num. 148. — Jaffé, Bibl. rer. German. II,*  
*pag. 80. — Will, Reg. archiep. Magunt. I, pag. 200, num. 96. — Jaffé, Reg. pontif. 2*  
*num. 4838. 15*

Gregorius<sup>a</sup> episcopus, servus servorum dei, Wratizlao, duci Boemie, sa-  
lutem et apostolicam benedictionem. Quoniam, afflatus igne divino, studia de-  
votionis erga sanctam et apostolicam ecclesiam habere cepisti, silere nos caritas  
in te diffusa non patitur, quin ardorem divine servitutis de die in diem ferventius  
te concipere frequenti exortatione moneamus. Illa etenim vota apud deum premia 20  
merentur et gloriam, que per gradus bonorum operum ad cacumen plenitudinis  
tendunt et semper in bono desideria ampliora concipiunt. Quapropter, karissime  
fili in Christo, bona, que deo inspirante mens et devotio tua proposuit, ad ef-  
fectum perfectionis extendere stude, quatenus apostolica benivolentia nulla tibi  
labefactata segnicie pro meritis tuis ampliori semper te dilectione comprehendat. 25  
De reliquiis et privilegio, unde nos rogasti, cum nuntiis tuis<sup>b</sup> finita et perfecta  
ecclesia<sup>1</sup> consecrationis consilium a nobis quesierit, voluntati tue satisfacere be-  
nigne procurabimus. Sigifredum vero archiepiscopum Moguntinum de presump-  
tione, quam in causa Jeromiri, Bragensis episcopi, habuit, per epistolam nostram<sup>2</sup>  
duriter increpavimus, interdicientes ei, ne ulterius se huiusmodi ineptia<sup>c</sup> et fatui- 30  
tate occupare incipiat. Adtamen, si quid adversus<sup>d</sup> te temerario iudicio fecerit,  
preventu apostolicę auctoritatis tutus atque defensus, donec iterum ad te nostra

69. f) super 'Olomucensi' scripsit alia manus, id est Marovensī.

69. a) nomen rubro colore characteribus maiusculis scriptum. Epistolę haec inscriptio rubri-  
cata praefixa est: 'Duci Boemie LXI'. — b) 'missis' excidisse censet Jaffé. — c) ita 35  
corr. Jaffé; 'inertia' cod. — d) corr. ex 'adversum'.

<sup>1</sup>) Dobner eumque secutus Erben ecclesiam Wissegradensem hic dici putat; v. et.  
Tomek, Dějepis města Prahy I, 2 pag. 32, not. 18. — <sup>2</sup>) Vide epistolam praecedentem,  
num. 68.

legatio perferatur, pro nihilo ducas magisque sibi ad periculum quam tibi futurum esse non ambigas. De cetero apostolicis benedictionibus semper te munitum esse gaudeas. Data Rome XV kalendas aprilis, indictione XII.

## 70.

- 5 *Gregorius VII. papa Vratislao II., duci Bohemiae, Jaromirum, episcopum Pragensem, de iniuriis in Johannem, Moraviensem episcopum, purgatum, commendat, eique praeposituram et castrum sancti Venceslai restitui vult. Episcoporum de possessione quadam litem scribit in futura synodo compositum iri, ad*  
10 *quam legatos mitti a duce cupit. Romae 1074 apr. 16.*

*Apographum in registro Gregorii VII in tabulario Vaticano fol. 43<sup>v</sup> — 44<sup>v</sup> Lib. I. ep. 78. Harduinus, Acta concil. VI, pars I, pag. 1254. = Dobner, Annales Hagec. V, pag. 432. = Boczek, Cod. dipl. Mor. I, pag. 152, num. 174. — Erben, Reg. I, pag. 63, num. 149. — Jaffé, Bibl. rer. German. II, pag. 98. — Jaffé, Reg. pontif.<sup>2</sup> num. 4859.*

- 15 Gregorius<sup>a</sup> episcopus, servus servorum dei, Wratizlao, Boemiorum duci, salutem et apostolicam benedictionem. Frater tuus Jarmirus, Bragensis episcopus, ad apostolorum limina veniens conspectui nostro ea qua oportuit se humilitate presentavit, et de obiectis sibi quaedam confitens congruam inde satisfactionem obtulit, quaedam vero denegavit et in hunc modum se purgando removit: vide-  
20 licet, quod ipse Johannem, Marovensem episcopum, non percusserit neque servientes eiusdem episcopi decapillari aut barbas eorum abradi preceperit, aut occasione subterfugiendi synodum indutias per legatum suum petierit. Nostrę igitur dilectioni plene reconciliatum, et restituto sibi omni episcopali officio, ad propriam sedem cum litteris nostris et apostolico cum sigillo remisimus; com-  
25 mendantes eum tuę nobilitati, ut, omni inter vos odio et inimica emulatione sublata, fraterno corde eum diligas et episcopalem in eo dignitatem, sicut dignum est, veneranter inspicias, et quęcunque iuris ecclesię sibi commissę sunt vel quolibet modo ad eum iuste pertinent, tam tu ipse ei concedas quam omnes, qui sub tua potestate sunt, sine contradictione sibi reddere facias. De causa vero,  
30 quę inter eum et Marovensem episcopum tam diu protracta est, propter illius absentiam ita statuimus, ut in futura synodo ambo episcopi aut ipsi ad nos veniant aut tales nuntios mittant, quibus presentibus et causam ex utraque parte rationabiliter exponentibus, nos sine omni ulterius dilatione puram super hac re iustitię diffinitionem inferre et contentionem eorum decidere deo favente pos-  
35 simus. Ubi etiam legatos tuos interesse multum cupimus, quatenus et ipsi tua vice ad indagationem veritatis nos adiuvent et testes nostrę diffinitionis existant.

70. a) *Rubro colore characteribus maiusculis scriptum. Epistolae haec inscriptio rubricata praefigitur: „Duci Boemie. LXXVIII.“*